




内閣文庫	
番號	漢 5158
冊數	24 (2)
函號	297 28



資治新書卷之一目次

文移部

錢糧 催徵類

批追徵錢糧呈

王陽明

再批追徵錢糧呈

王陽明

批南昌府追徵錢糧呈

王陽明

觀期催徵牌

秦瑞寰

留降調印官徵糧牌

蔡魁吾

錢糧二 請蠲類

請量豁屯糧詳文

洪谷一

資治新書卷一目

本二



請蠲練餉詳文

金長真

被蝗請蠲誤收四卷荒政內

文太青

錢糧三 請改折類

移會廣撫咨

蔡魁吾

咨平靖兩藩王

蔡魁吾

錢糧四 察利弊類

設立月單詳文

王鐵山

立法徵收詳文

王鐵山

申革委官詳文

蔣楚珍

禁飭兌支牌

秦瑞寰

錢糧五 稽查完欠類

申飭蘇府牌

秦瑞寰

預頒條約之一

李少文

錢糧六 分別考成類

覆詳查催協濟考成文

張及菴

錢糧七 收貯糧米類

查覆桐廬縣屯米詳文

侯筠菴

刑名一 訪察類

預頒條約之一

解石帆

行本府各屬牌

李少文

刑名二 提解類

預頒條約之一

李少文

申飭各屬牌

袁輔宸

禁飭濫提害民牌

秦瑞寰

報窩犯詳文

文太青

刑名三 檢驗類

人命初檢禁委佐領詳

李少文

刑名四 發審類

行高安縣牌

李少文

行奉新縣發審牌

李少文

刑名五 催未完類

催完勘劄事件牌

秦瑞寰

刑名六 改批類

請改批申文

文太青

刑名七 清監類

清理監犯牌

蔡魁吾

刑名八 辨訟類

訪拿訟師牌

秦瑞寰

資治新書卷之一

湖上笠翁李

漁菟輯

錢糧一催徵類

批追徵錢糧呈

江西巡撫王陽明諱守仁山陰人

看得江西一省重遭大患。民困已極。屢經奏免糧稅。日久未奉明旨。近因南科奏停。隨復部使催督。一以爲蠲免。一以爲追徵。非惟下民無所遵守。亦且官府難於施行。今該司議爲兌准起運。係南儲額數。而王府祿米。亦歲用難缺。要行所屬先納兌准。次及京庫折銀。次及南京倉米。次及王府祿米。其餘俱俟明降



可。勸。然。極。此。之。得。法。良。民。之。良。民。見。之。較。責。人。者。更。為。警。策。也。勸。論。吏。

等因此亦深觀民患欲濟不能委曲諷停計出無奈仰司即如所議備行各該府州縣查照施行後有恩旨當亦止免十五年以後錢糧其十四年以前拖欠必須帶徵終有不免莫若速了為便各府州縣宜以此意備曉下民姑忍割肉之痛救燃眉之急嗚呼且擊貧民之疾苦而不能救坐視徵求之急迫而不能止徒切痛楚之懷曾無拯援之術傷心慘目汗背赧顏此皆本院之罪其亦將誰歸咎各府州縣官務體此意雖在催科恒存撫字仍出示曉諭此繳

再批追徵錢糧呈

可。勸。然。極。此。之。得。法。良。民。之。良。民。見。之。較。責。人。者。更。為。警。策。也。勸。論。吏。

看得本省十四年以前一應錢糧已經給事等官具奏奉旨果係小民拖欠俱准暫且停徵還着各該官司設法賑濟毋視虛文此朝廷之深仁厚德憫念窮民誠愛惻怛之所發小民莫不勸欣鼓舞臣子所當遵守奉行乃今停徵之令甫下而催併之檄復行賑濟之仁未布而箠撻之苦已加法令如此有司何以奉行下民何所取信夫為人臣者上有益於國下有益於民雖死亦甘為之今日所為上使朝廷失信於民下使百姓歸怨於上重貧民之困益地方之災縱使錢糧果可立辦忍心害理亦不能為况旬月之間

以之人
選者要
見當時
政令不
一時事
難為若
此猶能
委曲勸
諭使民
樂輸况
異此者
乎有錢
糧之責
者不得
目我為
世難人

而欲追併了絕。就使神輪鬼運。亦於事勢不能徒使。
歛怨殃民。何益於事。除本院身為巡撫。不能為國為
民自行住俸。待罪外。仰布政司行各該府縣官。以理
勸化小民。且論以今日之舉。非關朝廷失信。實由京
儲缺乏。司國計者。勢不得已。興起其忠君親上之心。
勉令漸次。刻期完納。果克濟事。兩月之後。亦未為遲。
共各該官員。本非其罪。不必住俸。革去冠帶。行令照
舊盡心職業。勿因事變之難。有灰愛民之志。後有違
慢之戮。本院自當其罪。仍呈提督漕運。行督糧官。及
巡按衙門。知會此繳。

為其易矣

批南昌府追徵錢糧呈

據南昌府所申。凋弊徵求之苦。本院繆當斯任。實切
憂慚。部堂諸公。非無恤民之念。但身司國計。不得不
以空乏為虞。在外有司。非無國計之憂。但目擊民疾。
不能不以撫恤為重。若使平民尚堪股削。一時忍痛。
并徵以輸國用。豈非臣子之心。但恐徒爾虐民。無濟
國事。非徒無濟兼。恐有虞。勘酌調停。事在善處。仰布
政司會同二司各官。將該府所申事理。即加酌議。或
先徵新糧。將舊糧減半帶徵。或儘其力量。可及分作
幾限。令民依期逐漸辦納。但可通融調攝。皆須悉心



議處務使窮民不致重傷而國用終亦無損一面備
行各該府縣查照施行一面具由呈來以憑咨奏

覲期催徵

浙江 秦瑞寰 諱世禎 潛陽人

為計典屆期嚴督徵解以副考成事據布政司詳催
竊照考成定例自本司以及各道府縣凡有一方之
責者皆有錢糧之責第各屬皆以本司獨 覲痛癢
不關時入秋暮輪挽寥寥尚且藉口災荒任催不應
合無詳請飛檄各道共加鞭策以濟軍需而副考成
等因到院據此為照東南財賦重地 國計半給於
茲年來

功令愈嚴各官怠玩轉甚頑戶拖逋奸胥侵蝕大家
一謎因循並不實心釐剔以致日復一日積欠愈多
項計部題差滿官坐省守催責成本院專督且大
計在卽關係考成若不嚴加繩課流將安砥今據前
因合行專催為此牌仰各道照牌事理即便嚴檄該
府屬縣將十年十一年十二年覲期以內與八九兩
年帶徵各項本折一應錢糧守取未完細數無分民
欠官欠分別勒限督催通限十月終旬截數全完造
冊呈報查核以憑開註優劣果係分毫無欠首列卓
異如有仍前積逋呼應不靈者雖有他長亦註劣考

該道爲郡邑綱領考或攸繫萬惟加意督催本院亦以此定監司之殿最也法在必行凜之速之

留降調印官徵糧牌

江西蔡魁吾諱士英

照得江右地方疲困人心刁頑經徵有司往往爲錢糧受累現今准吏部總督二咨開工部料價等銀未完分數各分別降處江省除降俸罰俸外其應降調者正官參拾員通省爲之半空此各有司豈盡催科無術抑因各部錢糧頭緒甚多當大計歲祭之時不能一一完備且以極殘極壞之地與他省一例考成本部院惻然久之業已特疏題請各求免調留任

追完前欠以牧桑榆統候命下定奪但地方不能

一日缺正官錢糧不能一日無徵解誠恐有種勢族豪姓惡紳憊衿及刁頑里戶人等乘此正官搖動必生心抗違倡言惑眾不服比追而承追各役俱係積年奸惡知官將離任又必串通里遁故意延遲以圖於中取事則十年錢糧誰完而歷年拖欠又誰追乎爲此仰道府縣官吏照牌事理備將本部院云大書告示曉諭民間照舊輸納如有前項人等乘機生心抗拒不完該道府縣卽行嚴拿鎖解部院審明士民重懲問罪衙役立刻處死决不虛言

錢糧二請獨類

請量豁屯糧

韶州司李洪谷一諱

歙縣人

為屯糧積逋甚衆屯丁血比難完謹陳正徵帶徵之法并議應酌應減之數懇賜裁奪以通屯政之窮以足將來之額事看得屯糧之設原為贍軍按月給支豈容拖欠然必歷年無拖欠之數而後本年之正額得清今本年之正額不清皆涸牽於歷年拖欠之數遂至頭緒繁多追呼不應鞭朴愈急而輸將愈緩未有甚於韶屬之屯糧者也韶州土地瘠薄異於他府他府屯田每分歲收穀三四十石韶屯每分不過二

十餘石一遇荒旱缺額尤多此其地之難徵者一也韶地環山疊嶂山賊盤踞者多逋糧被拘輒行逃匿甚而竄入賊巢長往不返此其人之難徵者一也况田瘠賦重本年正徵尚恐虧額今積五年每一屯甲積欠百金每逢一比所納止論錢兩彼明知五年積欠完多亦欠完少亦欠力難滿數情甘一欠責比之外法無可加上下相讐相欺下之力窮即上之法亦窮矣此法之難徵者一也職奉憲檄委催節年拖欠親行比較諸屯菜色鶉衣呼號捨地皆謂屯糧十倍民賦查明季屯糧每分本折米六石共折徵銀二

丁

兩二錢。今徵本米三石外。又納折銀四兩。數倍於前。九十兩年。荒旱無收。逃亡相繼。前曾具控兩院。懇豁在案。無不疾首蹙額。籲求蠲免。職以屯糧關係軍糈。豈容告減。隨牌行該屯官。及嚴示屯丁。將歷年拖欠完納。并本年本折嚴比外。但思歷年之拖欠。如彼屯丁之困苦。又如此。若不設法。為之變通。併五年之欠。作一歲之徵。將見徵比日急。逃亡既多。佃種益寡。佃種既寡。缺額益甚。缺額既甚。軍糈益乏。究竟法不能加。而屯政不知所結局矣。職再四思維。屯糧之正額。決不可緩。而屯糧之缺額。猶可暫寬。本年之本折。必

不虧國
而能惠
民是仁
術亦是
行術

欲全完。而歷年之拖欠。稍為酌減。不揣謬為窮丁請命。仰邀憲慈。詳允將今年額收之糧。勒限開比。以作十三年之正徵。其八年至十二年拖欠之數。候憲量為酌減。附於正額之外。每年量定分數。以作帶徵。在公家不過豁紙上之虛數。每年徵之田畝者。固未嘗少寬。在窮丁則戴蠲減之隆施。力之所能輸納者。必極其踴躍。文告優於鞭朴。撫字行於催科矣。蓋前之荒歉者。既行酌減。積逋者。量為豁除。則此後所徵所納。皆係正額。力田者。按額而輸。督徵者。依限而比。頑丁。不得藉口。以拖欠。官舍。不得設法。以混侵。庶從前

之積逋一清。以後之徵比及額。屯政始可得而綜核矣。

請蠲練餉

汝南金長真諱山陰人

為天道亢賜實甚。民生憔悴難堪。亟請蠲微。以培邦本事。竊照汝郡地多磽瘠。俗寡積聚。自經寇盜蹂躪。加以水旱頻仍。民苦阡危。已非一日。鼎革以來。十有八年。雖日議撫循。與之休息。然而民財未裕。民困未蘇。猶異時和年豐。庶幾漸有起色。乃自六月初旬。至今兩月有餘。旱魃為虐。四野如焚。職率同僚屬。齋禱步禱。於七月十八日。僅得雨三寸四分。今望後愈。

殷驕陽愈熾。禾苗蔘菽之類。已種者悉成枯老。未種者猶然赤地。所賴東南一帶水田。尚可施桔槔之功。半資灌溉之力。而光商固息信羅等州縣。陂塘溝港。涸水盡涸。是水田已無望矣。汝上等縣地勢高亢。多種雜糧。今種藝愆期。而雜糧又無望矣。且汝俗每年收刈二麥。與秋禾相等。今春二三月間。雨暘不時。麥多沍爛。止於半獲。第可目前餬口。安有倉廩收藏。若商固光信一帶不種二麥。終歲之計。全賴水田。今遍野焦枯。顆粒無望。兼之隣封遏糴。商賈不通。人情洶洶。萬難存濟。十八年起運錢糧。撥解滇南兵餉。羽檄

飛催日凡數四。有力之家。尚可售其田產。單寒下戶。乃遂嚮及妻兒。方竭蹶輸納。謂可息肩。閏七月初四日。又奉憲檄。為兵餉缺額等事。遵照部文。加徵鍊餉。夫以兵餉急需。行間之庚癸。頻呼固刻。不可停然。民虞甚重。節屋之顛。連無告。尤急當軫惻也。今奉行伊始。試為按數而徵。二三鳩形鵠面。殘黎救死不暇。豈能完糧。勢必敲朴。敲朴不已。於是填委溝壑者有之。轉徙四方者有之。甚且相聚為盜者有之。蓋近時六霍之間。餘孽未靖。商固金家。寨眾興集。諸處壤地相接。倘不逞之徒。乘機煽動。以為死饑寒。死盜賊等死。

耳。一旦依附。揭竿弄兵。此實地方之隱憂也。職身任司牧。日觀奇荒。苟不顧百姓之死亡。轉徙與夫去而相聚為盜。惟兵餉早完。可以幸免。參罰所以自為則善矣。其如斯民之失所。何故茲披瀝上陳。為民請命。即以抗。

旨處分。身被嚴譴。有所不恤也。查題報災傷成例。秋災不過九月。各州縣即有申報。計將逾限。且本年糧已漸完。無可請蠲。惟有新加練餉。見在奉行懇祈。憲臺慈鑒。俯賜具題。汝寧一府。暫免今歲派徵。少紓民力。或寬之來歲帶徵。以足兵餉。如此則汝民共

情詞迫
切有古
名臣之
風



有更生之慶。而兵士亦無脫巾之虞。諒亦憲仁所不
靳也。

錢糧三議改折類

移會廣撫

蔡魁吾

貴院功施百粵。澤被二南。弟幸托鄰封。加額何極。頃
兩接部咨。江省運米百粵。前後共十萬石。莫非
王事。豈憚勤勞。然其中有極苦極艱之情。不得不為
貴院陳者。江民落落子遺。想久在鑒憐中。自無容煩
瀆。但部文以贛之南北。責本部院與虔部院分任。自
贛而北水運。則有十八險灘。其深者淵潛怪石。其淺

以委婉
行其慨
切情文
之妙難
以形容

者沙淤渚底。牽挽之舟。十多九損。自贛而南陸運。則
有庾嶺插天。鳥道絕徑。一夫負米。不過二三四斗。計十
萬之糧。應用人夫定須三四十萬。眾非曠日持久。不
能得達。猶憶往年運粵餉二萬石。江民已自死亡。枕
籍至今言之。色怖。茲米又數倍於前。民間一聞是言。
保此甫集之哀。鴻能不鳥驚獸散也乎。即欲盡驅之
於運。能保無尚榛骨莽也乎。本部院自接部咨以來。
分派督催米數。亦易辨。惟一計及運米之人。不竟形
形神交喪。口喏而不能喻矣。近聞粵中米價亦平。此
時方值西成。意採買正自可克。本部院欲差員輕齎

克

資治新書卷一

十

芥子園

米價曲求改折就近給買在粵中止在得米固不必論其為粵為江也。惟貴院慈祥天植澤遍九垓本部院是以疾聲大呼為江省數十萬之眾請命於仁人長者之前伏乞大賜主持將所撥之米俞從改折已致啓於兩藩仍希婉為周全務祈必允早賜批示本部院即動現在藩帑星夜齎解赴粵購給在粵餉無虧于毫末而為時復速其在江省則受福直與天地同高深矣。今歲江省米價不過一兩本部院會議司道統酌副耗脚價寬計以每石二兩貴院相晤時若覘其已允便托至幸若兩藩仍有難色或就中

量加罔不惟命總特曲為玉成則施惠於江民即施惠於本部院與虔部院矣。

啓平靖兩藩王

謹啓 靖藩殿下近准部咨因粵中餉乏先撥江西

米五萬石涉灘運贛度嶺抵粵某凜遵

全在緊
表處動
入聽聞
廣之叫
絕。

王事竭蹶催兌奈江省歷當鋒鏑之餘芟芟子遺長途肩運不若無米而苦於無人正在愁嘆問而後撥五萬石之咨又至展轉憂思徬徨終夜伏念前歲撥江省米二萬運粵彼時死亡相枕流離載道前之人

口莫不色沮心酸年來瘡痍未復戎馬生郊民之催

右諸

紙書
而救數
十萬生
靈試問
石人之

殘更甚於前而米之撥數又兩倍於昔贛以北千里
淤灘處處用人挽拽贛以南羊腸嶮峻步步用人肩
挑合計前後十萬石運負過嶺須得三四十萬人江
省招集之驚鴻寧有幾何此番苦役不至死亡大半
不止言念及此已自計拙眉攢况可驅之而勝任乎
向來運粵之米曾蒙慨允改折江民至今祝頌 殿
下屏翰百粵福庇鄰封則江右民何一非 殿下
所留之殘喘仰度 殿下斷不忍以數年保釐之赤
子又驅之於死亡某自准部咨以來分派督催米亦
無難速備但慮此水陸二運實苦無人且軍需緊急

再欲商之司農又恐往返遲滯然既溫膺節鉞受斯
民之任不得不請命於 殿下之前云云且聞粵中
今歲豐稔此時正值西成齋銀往彼差員購給在粵
餉無損於毫末而江民之蒙澤者不啻起白骨而肉
之矣並覆並載 殿下之恩德寧被一人一世也哉
錢糧四察利弊類

設立月單詳文

饒州王鐵山諱永吉
節推高郵人

二作乃
經時石
盡不知
先生下
筆曉嘔

為設法清查錢糧以除奸弊以足京邊事照得徵收
錢糧止有此數支多則解少存留多則起運少此盈
彼縮理至明也但各縣管庫人役併糧房吏書利於
資台新書卷一

芥子園

去心血
幾有
錢糧之
責者皆
當熟讀
況思慎
勿病其
繁見

開支不利於起解。誠以解則無可扣除。支則便於勒。索耳。故京邊正項。間有數年缺額者矣。末聞支放銀。兩數年懸欠者。豈惟不欠。且有春季逐支。冬季今年。預借明年者矣。總之扣除未清。每艱於轉石。嘗例入。手遂逝。同流水。雖不盡然。或亦不甚相遠也。坐使正。賦難完。考成不足。軍國苦於持籌。而飽奸猾之腹。官。長困於叅罰。而潤積蠹之囊。此固積弊相仍。毋亦立。法有未善耳。合無請乞憲臺詳批示下。行令卑職。吊。取賦役全書。併近年加徵文卷。除存留錢糧聽該縣。酌量支給外。其正項京邊若干。邊餉若干。雜餉若干。

通計考成銀共該若干。造冊存據。月月查考。分別緩。急先後款日。置立循環二簿。已行起解者。填明簿內。循去環來。逐一磨算。如本季額解短少。卽吊該縣日。收流水簿結算。徵過若干。倘係解少支多。經承吏書。輕則徑行懲治。重則申解憲嚴。而本官之賢不肖。亦。畧可槩見矣。至於錢糧批廻。別藏奸弊。多有銀已傾。銷解出。經承串同銀匠侵分。不卽起解。直待後批出。庫方掣前批。月月挪移。暗虧正額。卽或事發追究。空。費敲朴。侵盜難完。似宜刊刻月單。分發各縣。令縣官。秘藏。每年拾貳紙。每月三十日。如某日解某項銀若干。

干某日解某項銀若干。本官親筆實填於下。後結一
總。其給批幾張。其解銀若干兩。僉差某人起解。一月
盡。出差人申繳一紙。卑職炤數稽查。另填一單。差人
詳報布政司。逐一查勘。如有不合。即便駁查。庶幾有
批。卽解有解。卽完。縱有役鬼之奸。難避燃犀之炤矣。

立法徵收詳文

爲民窮已極。賦額宜清。欲查完欠之根。當立徵收之
法事。照得饒屬地土。磽瘠田薄。民貧近山者。強半空
岡。不生草木。濱湖者。一遭駭浪。盡付波濤。皮骨空存。
呼號無路。民困極矣。吸髓剜肉。旣已輸之公家。便宜

支解克盈。考成不缺。乃京邊失額。徒費催提。欸欸那
移。項項雜亂。無官不降。罰無歲不查。叅官民交病。而
利獨歸於中飽。此無他。徵收無法。源本不清。故流弊
至此耳。查得府屬七縣。催科撫字。誠不乏人。而襲舛
乘訛。法未畫一。本年應徵賦役額。編舊欸。以及節次
奉文新加數目。一切解支疑項。不行核算明白。刊刻
成單。預先申報。然後開徵。歲額不清。憑何覺察。卽有
全書赤曆。然皆加減不全。渾淪模稜。毫無頭緒。其弊
一也。田畝高下。新舊加除。查核清楚。曉諭百姓。各依
則例。炤數秤輸。小民旣知規條。猾吏始難操縱。乃朦

臆徵比里書懸派保歇科收鄉愚何知一任刁索已
派復加既完仍欠驛騷不已其弊二也縣官徵比錢
糧得其要領便有根據倘歲額不知完欠莫辨每逢
比較止憑書吏粘貼浮簽受賄作奸增額縮額多寡
任其顛倒日久增改文書洗補冊籍詭下作上以萬
爲千卽欲查筭將從何處查起終歲紛紜竟墮雲霧
其弊三也一縣有一縣之總數一里有一里之總數
一甲有一甲之撒數一戶有一戶之撒數總撒對同
里長排年花戶完欠一見了然若散漫含糊有總無
撒有撒無總里長執票而納戶不知納戶投櫃而里

長不知保歇侵收飛灑詭寄其弊四也花戶應納銀
兩不能一限全完勢必零星上納倘有印發號紙給
爲執照查對何難乃花戶盡交里長里長又交保歇
私立收約片紙隻字瑣碎難憑真偽莫辨保歇侵用
仍累里長里長兜收復累花戶混雜糾纏愚民受害
其弊五也卑職遵炤成憲附以管窺合爲五則一日
繇票一日易知單一日實徵比較簿一日里甲總撒
單一日收銀合同票地畝人丁起科各有定額本好
加派增減豈無明文責令逐項磨算先以賦役全書
爲主上田上地額徵若干中田中地額徵若干下田

下地額徵若干。山塘人丁額徵若干。通計徵銀若干。後將近年奉文新加遼餉若干。若干。新加雜餉若干。若干。或某項某項裁革停止免徵銀若干。總以加減除算。田地山塘每則每畝該納銀若干。納漕糧若干。人丁照此推算。共計一縣一年淨該徵銀幾萬幾千幾百幾十兩。淨該徵米幾萬幾千幾百幾十石。至於起運存留解給各項一炤額數條款。逐一開具於後。務期收支對同。絲毫不亂。申呈院司道府印鈔存據。頒發徵收。若有混派私徵者。原單具存。不難查對。是謂繇票。此票款多字密。難於印發。且愚民不知算法。

未能一見。卽明。但將繇票內算清加減的數。摘出數條。某則田一畝。淨納銀若干。某則地一畝。淨納銀若干。山一畝。塘一畝。淨納銀若干。人丁一丁。淨納銀若干。漕糧應納升斗。各開則例。刻成小票。用印蓋鈐。粘貼城市鄉村。仍着里甲自備紙張。竟自刷印。分發各花戶。窮鄉僻野。處處週知。吏書暗加保歇。重派。皆得執單首告。炤數清查。無可作弊。是謂易知單。此單既行。民間稱便矣。縣官未得了了也。須將一歲應徵錢糧。各里類造。比較總簿一扇。先開里長名下。該催納銀若干兩。次開各甲名下。該催納銀若干兩。又次開

花戶名下該完納銀若干兩。逐戶細開。毫釐不漏。以花戶之撮數。合一甲之總數。以各甲之撮數。合里長之總數。而後以各里之撮數。合通縣實徵之總數。此簿正官查算清白。用印蓋鈐。收入內署。藏爲比較定本。綱領調目。纖悉備舉。萬緒千頭。盡在其內。承行吏書。照依總簿。造冊送比。每逢比較。卽於各里各甲各戶名下。實填完銀若干。以杜浮簽增縮之弊。多寡完欠。一閱井然。是謂實徵比較簿。既有易知單。以曉之。又有比較簿。以核之法。亦備矣。然易知單畧而不詳。比較簿雖極詳明。官府收藏。吏書沉匿。里長無從查

對。當照總簿內徵比細數。刊印一單。前列一里。次列十里。每甲各列花戶。稜背堅整。用一面印。俱發里長收執。照依易知單徵收。則例實填名戶到官銀兩於各名之下。逢限執單查比。完過若干。卽行開註。漕糧單式。照此刊行。不但吏書無所邪移。卽保歇亦難侵。勤則總撤單不可不設也。至於花戶納銀。鄉下愚氓。往往不入城市。怕見官長。自赴投納者。間亦有之。然多花戶私交排年。排年私交里長。里長私交保歇。各立私收一紙。遂爲憑據。及至保歇侵久。層層根究。仍害小民。月日既久。紙約破碎。字畫有無。彼此混爭。莫

可究詰。謂宜判給印票一様二紙。明書某里某甲某戶。上納某項銀若干。櫃吏收掌。銀既入櫃。填明日收流水簿。卽給半票付納戶。執去存算。餘票一半存縣備查。出示曉諭鄉村。止以官票爲憑。不許私立收約。杜里甲之重科。省彼此之委卸。莫便於此。故合同票不可不行也。此非卑職臆說也。繇票易知單。奉旨申飭。亦旣屢矣。然力行者幾縣。行之而合法者幾人。誠能留心民瘼。法在必行。未必無補。有繇票。則上司便於清查。有易知單。則百姓便於輸納。有實徵簿。則縣官便於比較。有總撤單。則里甲催銀有據。有合同票。

則花戶納銀有憑。綱舉目張。同條共貫。革飛詭之弊。而民免於重徵。剔侵蝕之蠹。而民免於倍納。災疲之餘。庶幾稍甦。萬一諒無不稱便者。若乃完欠旣清。難於影射。緩急有序。實省鞭笞。雖從前之積欠難清。而向後之參降漸少。便於民。更便於官。歟。不便於保。歟。尤不便於吏。書誠恐惡其害已。因循怠緩。未卽奉行。或經年沉閣。視爲具文。或查報參差。終非定額所望。憲臺主持。嚴批所屬。以文冊之遲早。視吏胥之勤惰。以吏胥之勤惰。定各官之才品。拯災黎而清逋賦。端在此矣。

申革委官

台州司理 蔣楚珍 諱鳴玉 金壇人

看得比徽山稅府詳憲委在上方為器使不肖妄謂開恩一奉差委便生希見當其立意之初已註定止完一半迨其到彼之日申文呈究又興無數風波如添馬正而馬益瘦如佩兩珉而珉愈殘合無呈乞本道俯照先年事例將玉環二山歷年逋欠并見徵銀兩仍行太平縣與同儲餉一體徵追另批解府造入循環簿內照依兵餉考成責令全完毋容拖欠永行為令不許更張庶委官科派乾沒之弊得杜而稅額兵食之資兩不虧矣

禁飭兌支牌

秦瑞寰

為嚴禁兌支以清積弊事照得錢糧出納必登簿書錙銖不容淆混杜日前之隱弊免日後之追求全繫於此今查各縣有聽吏書滕蔽巧以工食雜項等銀出給兌支人戶單串意謂不煩庫給而取民間之積逋似屬兩便殊不知此輩得串在手不兌逋賦之頑民專兌易完之殷戶此利其速便彼利其輕省緣此而無項不兌無年不兌私兌日多櫃納益少正解罔應雜放透支且印官點者被餌于扣剋愚者一任其提撕漸至空印串單任吏書擇戶而食多寡隨填茫

節無事必誠此誠是

無稽考且雜其項款錯其年分縣紛繩亂令人莫可清理甚至本年錢糧方始開徵卽行兌支殊不可解更聞昏愚不肖有司視私兌爲捷徑不難出片紙以作金錢有以之償債者有以之鑽營者將謂收數不載流水放數不登庫簿上下隱瞞自爲得計殊不知額賦止有此數不在上不在下將安歸乎究竟水落石出噬臍已無及矣除已往尙在清查將來亟宜申飭爲此牌仰布政司卽便移會守巡各道轉行所屬凡一切存留錢糧必以徵收給放登記流水庫簿以備查考如敢仍蹈積習擅行對支作弊者本院訪實

飛章 題參 决不姑息 各具遵依繳查

錢糧五 稽查完欠類

申飭蘇府

秦瑞寰

爲嚴查起解錢糧事照得江南賦重役繁民力堪念西北軍需孔亟國計倍艱本院憂慮交胸寬嚴並用故於錢糧之事不知幾費心神近以徑解之法畫

例請 旨者蓋有鑒於側批覆閱每每稽時廢事姑爲省此一開以杜各州縣加派解費拖欠躲閃之弊耳今核查該府錢糧據冊所載頓貯在賦者不下四萬餘金

資治彙編卷一

芥子園

孰非二月絲五月穀剗肉醬滄以來免胥役之到門
刑罰之加身者又孰非今日星提明目火票啓焦類
禿以求副

功令之嚴免司計之屨者下如此其苦上如此其急
而該府乃反束之塵封置之高閣此本院之所以為
異也。蘇松衙役從來善喫錢糧由此看來未必原封
不動則庫胥與承吏不可不問相應嚴查催解為此
牌仰蘇州府即將前項在庫未解銀兩立刻躬自盤
查逐項報明確數及領解員役日期一一開具以便
核銷批迴若或奸蠹間有游移銷化或托言那借均

屬侵欺便即收監追究一面明白申詳切勿曲掩寬
縱自貽大戾言止此矣思之慎之

預頒條約之一

南州李少文諱嗣京

照得查盤錢糧原欲釐剔積欺不在毛舉細事但值
此軍興繹騷之日會計綜覈之時故此那彼借三窟
難許容奸苟罪著賊明一錢可以斬吏本廳於支收
出納必親對簿卷逐件研磨引蔓直可尋根水落自
然石出無事虛文以潦草塞責無為叢借致隱漏橫
稜敢有侵漁營運虛作支解誑稱批收未回者即行
解納衙門如數確查法在必行罰無輕賈不得妄希

主
大

打點。僥倖一時。

錢糧六。分別考成類。

詳查催協濟考成。

廣東張及巷諱弘俊
驛憲大費入

看得順治十一年某月日奉有恩赦。則十年十一年驛站錢糧自應分別考成。但內部通行本道未准。藩司照會。是以前冊未經聞明。遵奉憲行。逐一清算。十年既已全邀恩赦。則冊內完欠分數。可無細列。云。至於赦前去任之官。似應免議。赦後蒞事之官。自應叅罰。此均無庸多贅者矣。惟是一年之內。州縣數易其人。若上就該州縣原額數目核筭。而不分別

日月考成。其有各官在任一載。或數月。或一月者。皆就一年錢糧總數一例叅罰。實有枯菀不均之勢。且前官未完幾分。後官又未完幾分。再有繼之者。又未完幾分。一年止有十分之數。就各官析之。不過幾分。以一年合之。竟有未完十分以外者矣。本道再三叅酌。就各處驛站銀兩。以本官起止月日細筭。某官在任幾月幾日。應徵若干。已完若干。未完若干。并各官陞任降調。被劾丁憂。部選委署。督催督徵。經徵接徵等字樣。逐一查明。添入造冊。呈請憲裁。但十年十一年粵地新恢。軍需孔亟。不分欵項。盡數解司。各州縣

遇有勘合火牌。必用支應者。方於驛遞項下開銷。其餘皆作軍需。赴布政司核筭。或係解司。或係拖欠。分數總在藩司。奏銷冊內。通盤徹筭。本道又不敢不再三詳明者也。

錢糧七 收貯糧米類

查覆桐廬縣屯米詳文

嚴州侯筠菴 諱良翰 蘭陽人

竊惟貢賦之制。地因其產。輸隨其方。則事逸而民安。若違情逆勢。不恤下隱而徑行之。則事勞而民不安。司其計不能不為訂其始終也。如桐廬縣屯米。舊解嚴州府和豐倉。卽充嚴營月餉。近藩司改解杭城。而

以紹興屯米。撥補嚴營。酌緩濟急。移此足彼。主籌者當有成算。以職探之。竊有所為未確者。蓋桐廬屯米。與紹興屯米。其為公家儲備一也。給放嚴營。與給放杭營。其為支養行伍亦一也。然桐屯解輪。嚴郡朝發而夕至。朝報而夕收。於民甚便。嚴卒朝請而夕領。夕領而朝餐。於兵復甚便。今移解杭倉。在民則有起運守兌轉批掣銷之苦。而他弊或潛以生。兵則有遠涉候領。僱舟置袋之勞。而呼庚或因以起。蓋桐人與嚴倉相習。捆載而輸者。如入其家。執關而領者。如取諸寄。是兵民兩獲其利也。茲以移之杭。紹人不謀而勒

案則中多詐欺情不應急留難則勢莫控訴是兵民
兩受其害也。乘今纂造亟為更訂。不過一轉移間而
去兩害就兩利。除其疾首。頓感之悲。子以舉手加額
之慶。又何憚而不為此哉。伏祈察照舊例。允批改正
地方。幸甚。不第一人一時之計也。

刑名一 訪察類

預頒條約之一

金華解石帆 諱學龍 與化人

一訪察之條。止為巨惡大憝。以備上臺彰瘡。有正犯
即有尾犯。但欲悉研被害真情。以成一人定案。豈意
含沙影射。神多人。既係讐栽。復張利網。陶朱倚頓。

慘毒取先。僧道優媚。株連無漏。為肉為血。顛控無門。
本廳竊痛之恨之。全係一切冤誣。勘得無辜。盡與昭
豁。諸州邑長政。不必別為鈎索。但竊訪者。即係應訪
者。法應反坐。以殲窮奇。至于衙門積蠹。勢惡土豪。本
廳日與諸守令。密為廉確。准之輿情。用洩公憤。豈爾
鬼蜮輩。得上下其手乎。如有捏砌單款。希圖詐騙。或
各屬胥吏。罔上行私者。本廳徑行拏究。投鼠之忌。固
所不惜。亦斷不令兔逸。羅而雉入魚漏。網而鴻罹。

行本府各屬牌

李少文

為出巡事。照得訪察一節。鋤惡安民。巡方首重。其責

成。本廳者。不啻再三矣。原奉憲行。先衙蠹而後土豪。須正官人役。不得以衙幕克數。又須見役。不得以舊役代殫。申飭甚明。今據各縣報到訪犯。或止有土豪。竟無衙蠹者。或有係衙蠹廝役者。或有久出衙門。不屬現役者。雖各州縣釐剔。素有同心。摘發定無鹿狗。保無隱匿遺奸。偶出見聞之外。而吞舟漏網乎。按臺巡歷在卽。合行駁查。爲此牌仰八州縣照牌事理。卽便密加體訪。將見役蠹惡。開具事實。星速揭報。毋得仍前泄泄。倘按院別有所聞。深爲未便。

刑名二 提解類

預頒條約之一

李少文

照得人犯關提。必奉上臺嚴檄。每因州縣留難不發。遂致本廳勾攝無靈。兩造而對簿無人。一事而經年罔結。徒使讐家借耽延爲拖害。猾胥假沉閣爲因緣。貽本廳以塌茸之名。而諸州縣且甘阻格之實。撓法長奸。莫此爲甚。夫轄屬地方。詎同泰越。今後務期文到隨解。毋緩時刻。吏書納賄違限。則有常刑。讞獄斷不久稽。下合當如流水。惟願諸賢作廣大觀。視閭境爲一家。兼作平等觀。視本廳爲一體。意見化而精神通。頴川可師。姑臧可友。不勝厚望焉。

申飭各屬牌

陝西袁輔宸諱天相

為申飭事。照得本廳轉奉公移。非錢糧急務。即讞鞫重情。所與各屬共體相成。呼之隨應。乃江省玩愒成習。既入其膏肓。前人姑息養奸。復深其痼疾。悠悠忽忽。頑鈍不靈。近來聖明綜覈。功令森嚴。上臺之督責。倍甚往時。而胥吏之因循。猶仍故態。本廳未完。遂積至三有餘件。叢脞之名。本廳其任受乎。是以受事之初。立有速緩違三票。其或不報發。慎行票。尚差守役。不意牌牒既同具文。走卒亦如木偶。甚至本廳差役。有數月不回銷者矣。甚至持一空文。託言另解者矣。

甚至有解文。無人犯者矣。甚至將有繫無要一二人。或家屬。或保歇。搪塞。而原被不齊。干証不到。明知必不能成招。姑了目前者矣。此皆本廳差役。與各屬經承受賄扶同。舞文篋法。豈一紙勾攝。竟為此輩作生涯哉。除將已往查比責革外。本廳稔知衙役望差。如乳虎饑鷹之望食。非緊關憲件。斷不輕遣一人。但三票之後。登訊次數。使該屬觸目驚心。票至數十催。裹如克耳。此後之未完。咎在該屬乎。咎在本廳乎。季終歲終定彙詳上臺。以憑處分。

禁飭濫提害民

秦瑞寰

此責成
妙法當
事不可
不行

爲申飭。關提。以免刁告。拖累事。訪得三吳刁風甚盛。遇有些小之事。輒憑訟師舞法。擡駕無影狀詞。天大裝頭。希圖騙准。更有冒名竈戶。越誑浙江。運分司衙門。差提拖累家。延戶蔓。流害無窮。近聞積棍老蠹。漸且不容于鄉里。輒竄入江寧。司道蘆政等衙門。或爲胥書。或爲皂快。或爲歇家。凡鄉里之素封大戶。出處根源。皆具一冊籍于胸中。指使地棍爲出頭之先鋒。朦蔽官府。有障眼之妙術。一詞誑准。動輒差提。承差卽其一路神祇。被害不知事從何起。差腹已壓。方帶前行。一到省城。不容不入其彀。若詐不滿壑。措

稱無保收監。不論是非曲直。待得家中救濟。而寃死。囹圄者。已不知其幾矣。誰非吾之赤子。忍令其填虎吻。而不之救。相應飭禁。爲此牌行。按察司各該道。照牌事理。以後除欽案提解外。凡遇批發呈狀。屬在蘓松常鎮淮揚徐州者。俱令承問府廳。就近審鞫。招詳不得輒自差提。致俾索詐。亦不得輒批解字。致多費用。官府之一點一標。下民之一生一死。故不可不慎也。利歸鼠輩。怨貽上官。本院不欲受。知該司道亦所不欲受也。諒有同心。願言嚴飭。

報窩犯

東來文太青
諱翔鳳
縣令文太青
山西人

看得王進甫之脫逃。在署篆者手本縣之至。竟未識面。屢拘不獲。雖其原贓一百。早已完官。特恐王第之再叛。遂影與形匿。本縣視事。訪知窩於洛陽之張世才。而世才又推諸登封之李孟寒。孟寒又執詞而控世才。又推諸郭盡善。盡善又有告世才之詞。三兇者進甫之三窟。異縣之豪民。既據闕至。謹并解以請。

刑名三 檢驗類

人命初驗禁委佐領詳

南昌李少文 諱嗣京 興化人

爲人命全憑初驗。委官多至徇私乞賜申飭州邑正官。必躬必速。人鬼兩無冤蔽事。竊照人命大獄。終始

論傷。真則有死法。有生法。纒頸仰藥。投河圖賴。有不坐法。以省惡俗之輕生。又有坐法。以儆借屍之孤注。所籍明察良吏。無委貸以啟混淆之端。勿紆緩以滋蔓害之局。全科不爽。鐵案斯成。乃州邑正官。每厭穢憚煩。人命初告。不卽躬行相驗。輒委之丞簿尉巡。此輩鮮知自愛。妄謂堂官青目。此其河潤我者。亟責賂於被犯。不盈不厭。一時衙胥倖作之流。亦羣起而需索之。輿屍未入官目。而被告身家已累費幾盡矣。及臨驗時。倖作之口。委吏之手。如傀儡登場。上下相蒙。以覆或埋。沒真傷。混稱發變。不言分寸。槩稱

散亂。又或雜報青黑作服毒之左證。或捏痕八字為自盡之辯端。至如縊死與被勒有別。溺死與拋屍有別。自刎與被殺有別。生焚與燬屍有別。諸如此類。未易更僕。使於初驗不為究明。日久皮肉消化。簡時先無的據。何況衙官法為賄奪而增減。有無勢所必至。耶。比堂官據以上申。即批行覆簡。作作堅護。初報依樣葫蘆。致疑關辯。實屢駁不休。途斃獄瘦。接腫而是。則皆初驗弗躬階之厲也。職以為大命初起。斷宜量地遠近。在一二十里內者。正官即帶吏件急往親驗。毋使屍變。即遠在百里內外者。亦限三日內身至親

驗其時日手足金刃傷痕犯証悉書於初報中。必真情纖悉莫遁。而後始通詳。斷不宜假手佐領。若重行簡視。亦當面驗枯骨。以決前件有無差訛。庶殺人者無勿償重泉之目。可瞋。誣罔者無濫入肺石之立。可空。仰佐上臺之祥德。即嘉師承賴矣。

刑名四發審類。發審牌多不能備。載僅存一二。用作程式而已。

行高安縣牌

李少文

看得張爍訟劉傅羅李四姓。詞甚張皇。但四姓共係世佃。而爍且稱為世僕。僕與佃則有分矣。四姓供當日止賣田。而爍且併欲有其屋。屋與田又有分矣。乃



問之證證無有。索其契契無有。唯欲取憑于從前之斷案。不思舊案果足盡憑。何以又起後來之紛競乎。仰高安縣卽查劉賢一等。是否張嫌奴僕。有何的據。所欠租田確有若干數目。其田賣張糧係何人輪納。曾否過割。隨田之屋現係四姓居住。曾否出賣與張。有無文約可據。屋有幾楹。值價幾許。各姓欠租之數。果否足抵屋價。逐一細查明確。其繇申報。

行奉新縣發審牌

看得人命所憑者。傷與證耳。若翟顯勝之告章兆二也。據供其弟舜八開酒店于猪婆大坵。去章宅不數

武舜八曾借兆二銀兆二取償不得。牽去其猪。舜八逐之。致相爭毆。其母張氏往救。被兆二父子亂擊。立斃。此去年臘月二十五日事。而告于正月二十二日。何耶。再鞠死于何所。云在田間見證何人。則有劉禡。鄒勝。而禡往隔五里。勝往隔重嶺。豈事于人命。地保不一。投鳴鄰里不一。知見而取必于行路之人。其足信否。及詢以本地地方姓名。有唐光余孟戴九其人。並未到官。且原詞中曾不一及也。又詢以屍何在。則人棺收殮矣。問當日曾相驗否。云死時未驗。入棺後曾稟朱巡簡。夫屍已入棺矣。烏從相之。果負真傷者乎。



至章兆二之供。尤有大可異者。訴稱高安人劉禎。其義男進壽。串合翟平五仁六等。拐竊舜八店中。兆二係地方禎社。投呈隨即擒獲。翟姓恨之。誣以絕無影響之人命。而翟顯勝與舜八毫無干涉。一班棍徒且顯勝稱舜八死不知踪。兆二又稱舜八現克高安縣里。長顯勝稱母張氏。而兆二則稱舜八之母乃明三之妻。實是熊氏。以熊為張以生作死。以拐帶而誣二命。則黑白可以混淆。方圓可以倒置矣。似此刁奸不直窮破不幾以三尺為戲乎。合行發問。仰縣卽拘本地鄉隣研審顯勝與舜八是否胞弟。其母的係何

姓有無毆死。併章兆二所訴劉進壽被拐一事。果否

真偽究招解詳。

刑名五 催未完類

催完勘劄事件

秦瑞寰

為取催未完。欽件事奉都察院勘劄。准刑部咨江

南司案呈卷查奉。旨科抄事件。隨經咨行該督撫按提問去後。屢經嚴催。迄今未見具覆。而承問各官。置若罔聞。但欽件久延。是誰之咎。若不請咨嚴催積案。何日得清。相應勒限再催。蚤結。欽件內部責成本院。本院轉督監

貧台新書卷一

三

芥子園

司自應隨到隨審。隨即招解。以結。欽件。夫何怠玩。成習。呼應不靈。無論重輕。置之高閣。或越數月。方行提問。再越數月。而始呈詳。一行一詳。就是半載。其間情罪。安保其允協。而無駁乎。是以有遲延至數年未結者。揆其稽遲之由。非問官之徇情瞻顧。即經承之受賄。故延本院所深悉者。今部文如此。嚴切。難以再延。合行嚴催。為此牌行該道查照。部文事理。即將單開各案。火速逐起。躬親查理。提問究擬。分別解詳。以憑覆審會。奏本院只此一催。如十日不解。不詳。怠玩如故。即據實指參。經承嚴提。究贓重治。必不

甘以一身為人受過慎之思之

刑名六 改批類

請改批

文太青 諱翔鳳 山西人

查得昌三舉。本河南衛軍餘。而亡命於汝州。閔拿徒。頰旁午。改批於本縣。勾攝空馳。移文閱月者十矣。軍卒如峒虎。等人命於兒嬉。合無俯從。改批本衛。立限嚴緝。正法。庶奸宄不得通匿。積案亦得清楚。

刑名七 清監類

清理監犯牌

蔡魁音

為清理淹禁事。照得園扉之設。原因重囚。法無可赦。

情不足矜求其生而不得故羈之繯綫中乃有事屬
小嫌罪無大故實可以片言折者而亦置之于幽獄
中累月經年覆盆莫照獄官禁卒又從而殘毒之是
無辜之民本無死法惟一落獄底遂絕生機日今暑
燥交蒸靡襍之氣必滯而為疫癘此

聖明加意欽恤于熟審一典不啻惓惓導和消疹至
仁莫大于此無如搏擊之吏以苛刻而甘殘忍闕葺
之官以廢弛而滋沉滯或恣作刑威或故入人罪或
正犯在逃逮其親屬或錢糧逋負蔓及族人或以紙
贖細事監追或以勢豪呈送押禁或聽衙役之誣報

株連或在佐貳之需索濫繫嗟哉囹圄言之慘惻本
部院撫臨斯地不忍此種種冤獄呼籲無門合行事
委清理為此仰本官照牌事理即便親詣饒州府及
鄱陽縣二監將現在監內囚犯除人命強盜照舊牢
固外有追贓已完軍罪遣戍徒罪發配應當發落者
卽詳請發落其餘樸罪以下盡行保釋未結人犯併
取保候聽審但有干連無辜者槩行釋放仍將清理
保釋過人犯造流回報查考施行

刑名八 再訟類

訪拏訟師

秦瑞寰

木子園

爲出巡事。照得江南人情刁險。獄訟繁興。本院巡轍所到。無在不呼冤聲。屈赴水攀輿。若真有迫切不可已之狀。及讞訊得實。非重翻已結之舊事。卽巧借現前之新題。取原狀印證之風。馬牛不相及也。推原其始。都由積惡訟師。鼓其刀筆之鋒。布成殺人之障。揣摩時好。務以誑准爲能事。因而說事騙錢。一手籠絡。凡疾病死者。有不日人命乎。錢債角口者。有不日劫奪乎。假如兩造爭勝者。必引衙蠹爲發藥之線。甚至真盜反噬者。必告失主爲讐陷之豪。粧點婦稚出頭。動稱孤寡。此苦肉計也。臚列利弊陳說。包藏禍心。此

無說不成訟

此風莫盛于三

彌天網也。勢之所在。原非其家人。而妄指爲僕勢之所去。本屬其世奴。而反吠其主。種種不根。難以枚舉。有皆出于意料人情之外者。是非雖到底分明。而原被已俱傷。兩敗。彼訟棍方且優游事外。掀髯抵掌。晚視於旁。又或陰陽反覆。不得於此。卽得於彼。而昏愚墮其術中。傾家蕩業。至於死亡。而不悟。覺殊可哀也。地方凋疲。俗不長厚。皆由訟師之過。惡在衙蠹之上。淮揚此風不少。相應通行拏究。爲此牌仰各推言。卽便密查所屬地方。著名積惡訟師數名。具揭報院。拏究。以儆其餘。此係江南大害之端。本院力欲清除。爲

資治新書

江河下一砥柱。切弗視爲淺易而忽之。

才

國史記

終

